



UNIVERSITÄTS-
BIBLIOTHEK
PADERBORN

Recollectio Spiritvalis

Masen, Jacob

Coloniae Agrippinae, 1691

Capvt VII. De Recollectione instituenda, notandis luminibus rarioribus, & formandis in particulari propositis.

[urn:nbn:de:hbz:466:1-60213](https://nbn-resolving.de/urn:nbn:de:hbz:466:1-60213)

C A P V T VII.

*De Recollectione instituenda, notandis
luminibus rarioribus, & forman-
dis in particulari propositis.*

REcollectio post horam Meditationis ex-
pletam , brevis erit , per horæ quadran-
tem circiter , à stante , aut deambulante insti-
tuenda , quâ de successu Meditationis inqui-
ret : ut vel dolcat emendetque imposterum si-
quid actum perperam ; vel sequatur , quod be-
nè successit ; actis Deo gratiis .

Ex Addit,
s.ad Exerc.
Post Medita-
tionem insi-
tuenda Re-
collectio est.
cum Exer-
cione suc-
cessus.

Examinet igitur 1. quemadmodum se ad il-
lam *præparaverit*. an juxta præscriptas supra
regulas ? an in præsentia Dei constitutus præ-
ludia , & orationem præmiserit ?

2. An , & quomodo in progressu mentem
applicaverit ? quas rationes , & lumina intelle-
ctus habuerit ? qui affectus & proposita fue-
rint voluntatis ? Nimiùmne illis , his neglectis
inhæserit , curiosè magis intellectum pascen-
do , quam piè voluntatem inflammando ? An
propositum in oratione scopum , de certis vi-
tiis devitandis , aut virtutibus seriò prosequen-
dis sit assecutus ? Si distractus , aridus , & inde-
votus fuerit : quæ causæ , & quomodo alias
cavendæ ?

Rariora lu
mina sunt
ad usum no
randa.

Proposita in
casibus par
ticularibus
ad praxin
diligenda.

Quomodo id
por vias fin
gulas tra
fundum ex
amplis tra
ditur.

3. Observet veritates & lumina rariora, quibus intellectus planè convictus fuerit, e. g. in nullo nos posse gloriari: ex agnitione nihili; quod non sumus sufficientes cogitare aliquid ex nobis, tanquam ex nobis: aut, quod hujus vitæ bona sectari, neglectis cœlestibus, stultissimum sit; cum nec unicum quidem momentum vita nostra, cum immensa æternitate comparata, possit ac debeat censeri: tum deinde *motiones impulsusque voluntatis* investiget, cum hujus aut illius pii exercitii sive virtutis sequendæ proposito. Ex quibus tam hæc, quam illa paucis erunt in charta signanda; ut, languente quandoque fervore, in iisdem recolendis se se animus exerceat, & in promptu habeat, per quæ sequentem deinde vitam, rectius constantiusque moderetur.

4. Diligenter animadvertat, quæ fuerint *proposita*, an & quomodo in praxin redigenda? Non enim sufficiet generatim e. g. in via purgativa statuisse: omnia se se peccata vitaturum, & moriturum potius, quam in mortale delictum imposterum consentiat. Sed singulatim quoque statuendum has illasque *peccandi occasionses*, quibus se frequentius impulsum advertit, *vitaturum*. e. g. luxuriosos socios, liberas evagationes oculorum, turpia colloquia, contactus, cogitationes libidinosas, quibus se ad graviora sensim incitari observavit, hæc nulla ratione velle admittere.

Tum

EXERCITIOR. SPIRITUAL. 27

Tum verò pœnitentia opera , jejunia , cilicia ,
orationes , frequentem conscientiæ expiatio-
nem , tanquam remedia opportuna huic vitio
infringendo , adhibiturum . Et sic de reliquis
non tantùm criminibus , sed & pravis habiti-
bus & inclinationibus extirpandis (quibus se
sentit obnoxium) erit statuendum . Et hæc
quidem ut in via purgativa ; ita & in illa , quæ
illuminativa dicitur , de virtutum studio sa-
tagendum est , non generali solùm proposito ,
verùm particulari etiam insistendo ; ut si e.
g. animadvertis , te in humilitate parum esse
proiectum , illius naturam , gradusque &
perfectionem investiga : tum verò ante om-
nia exemplar tibi istius virtutis in Christo , aut
ejus Sanctis propone , & frequenti cogita-
tione recole : decus , gloriam , ac præmia
tantæ virtutis expende : fuge quidquid illi ,
sive in cogitatione , sive in verbis , & multò
maximè , quod ipso opere adversatur , sen-
simque , frequenti virtutis illius exercitio ;
ab inferiori gradu ad altiorem , hoc est , à
neglectu laudis , ad amorem etiam contem-
ptus emitere : ut tanto possis esse Christo
similior . Sic in via unitiva e. g. non tan-
tùm decernas , velle te in omnibus Deum
spectare , atque voluntate & amore ipsius
operari universa ; sed in rebus , quas tibi maxi-
mè molestas accidere , animique quietem tur-
bare nosti : in his mitties repetendum statue :

Non

*Non mea, sed tua voluntas fiat. Ita Domine,
quoniam sic placitum fuit ante te. Conclu-
te firma fide apprehensum, quod Deus omnia
operetur in omnibus, ideoque nihil boni, aut
mali (solo peccato deimpto) creaturæ, sed Deo
velle trbuere, illi que referre gratias in omni-
bus. Ad quod juverit familiari quadam melo-
dia mentis hæc identidem verba modulari se-
cum tacite, aut volvere: Gloria Patri, & Filio,
& Spiritui sancto. Quæ sèpius repetita, ubi
animus ab aliis occupationibus liber erit, ul-
trò sese ingerent, illùmque ad Deum, velut
centrum suum reducent.*

Hæc admonitio tanti ponderis est, ut in
hac, tanquam ultima machina, omnis noster
profectus, quem ex spiritualibus hisce coin-
mentationibus sperare possumus, collocetur.
Nam nisi ad particulares ejusmodi praxes, no-
stra proposita in ardore meditandi concepta,
denique composito jam animo, per recolle-
ctionem redigantur, ut ignis plerūmque sub-
tractis fomentis, evanescunt, atque in ventum
resolvuntur. Debet autem quisque attendere
quibus potissimum vitiis laboret, & virtutibus
indigeat. Quid tanquam Christianus, &
quid ex peculiari status sui ratione
omittere, ac præstare
teneatur.

*Singulis pro-
batu in quo
versantur
proposita
formabunt.*



CAPUT